

Z A K O N
O IZMJENAMA I DOPUNAMA
ZAKONA O DRUMSKOM PRIJEVOZU
NA PODRUČJU
SREDNJOBOSANSKOG KANTONA

Član 1.

U Zakonu o cestovnom prijevozu na području Srednjobosanskog kantona („Službene novine Srednjobosanskog kantona“, broj: 14/13 i 4/14 – ispravka teksta; u daljem tekstu: Zakon), u stavu (2) člana 2. iza tačke h) dodaju se nove tačke koje glase:

„i) turistička linija je linija koja se održava vozilima namijenjenim za razgledanje turističkih atrakcija Kantona;

j) turistički voz je skup vozila koja čine vučno vozilo i priključna vozila, namijenjena za prijevoz putnika u parkovima, hotelsko-turističkim i sličnim naseljima, na površini na kojoj se ne obavlja saobraćaj ili putem na kojem se saobraćaj obavlja u turističke svrhe;

k) turističko vozilo je motorno i priključno vozilo posebne namjene, konstruisano ili prilagođeno isključivo za turističke potrebe;

l) panoramski autobus je autobus namijenjen za razgledanje turističkih atrakcija, na kojem je jedan nivo s otvorenim krovom oblika karoserije CA, dva nivoa s otvorenim krovom oblika karoserije CB s dijelom krova ili bez krova nad njegovim gornjim nivoom ili koji ima mogućnost otvaranja krovnog sistema.“

Član 2.

U članu 5. Zakona tačka d) stav (1) i stavovi (3) i (4) brišu se.

Član 3.

Iza člana 8. Zakona dodaje se novi član 8a. koji glasi:

„Član 8a.

(Prijevoz vozilima namijenjenim za razgledanje turističkih atrakcija)

(1) Turističko vozilo namijenjeno prijevozu lica u sjedećem položaju mora biti tehnički ispravno.

(2) Obavljanje prijevoza vozilima namijenjenim za razgledanje turističkih atrakcija na osnovu posebnih i pojedinačnih zahtjeva odobrava jedinica lokalne samouprave na čijem području će se prijevoz odvijati.

(3) Prijevoz lica turističkim vozom, panoramskim autobusom ili vozilima namijenjenim za razgledanje turističkih atrakcija vrši se prema utvrđenom itinereru koji odobrava općinski odbor na prijedlog općinskog načelnika ili nadležne općinske službe.

(4) Uslove i način uspostave turističke linije određuje jedinica lokalne samouprave za svoje područje u saradnji s nadležnim kantonalnim ministarstvom.

(5) Jedinice lokalne samouprave se obavezuje postaviti odgovarajuću saobraćajnu signalizaciju i na prikladan način označiti pravce vožnje, polazišta, okretišta i stajališta turističkog voza.

(6) Vučno vozilo i priključna vozila turističkog voza moraju biti tehnički ispravna, a vozač mora imati policu obaveznog osiguranja, dozvolu za obavljanje turističke linije i itinerer, cjenovnik prijevoza, kao i ostalu potrebnu dokumentaciju.

(7) Vučno vozilo i priključno vozilo turističkog voza mora biti obilježeno znakom za spora vozila, i to tako da se znak postavi na početak vučnog vozila, a jedan znak na kraj posljednjeg priključnog vozila.

(8) Najveća dopuštena brzina kretanja turističkog voza je 20 km/h.

(9) Nadležno kantonalno ministarstvo vodiće evidenciju o izdatim rješenjima za obavljanje djelatnosti prijevoza turističkih linija na osnovu izdatih odobrenja jedinica lokalne samouprave.“

Član 4.

U članu 34. Zakona stavovi (1) i (2) brišu se, dosadašnji stav (3) postaje stav (1), a stav (4) postaje stav (2).

Član 5.

U članu 39. Zakona stav (3) briše se.

Član 6.

U članu 52. Zakona u stavovima (6) i (7) riječ „račun“ zamjenjuje se riječju „karta“.

Član 7.

U stavu (1) člana 77. Zakona iznos „300,00 KM“ zamjenjuje se iznosom „500.00 KM“.

U stavu (1) iza tačke h) dodaje se nova tačka i) koja glasi:

„i) ako vrši prijevoz vozilima namijenjenim za razgledanje turističkih atrakcija suprotno odredbama člana 8a. ovog Zakona.“

Član 8.

U stavu (1) člana 78. Zakona iznos „200,00 KM“ zamjenjuje se iznosom „500,00 KM“.

Član 9.

Tačka h) člana 79. Zakona mijenja se i glasi:

„h) ako obavlja javni prijevoz tereta suprotno odredbama člana 34. ovog Zakona.“

Član 10.

Član 83. Zakona briše se.

Član 11.

(Stupanje na snagu)

Ovaj Zakon stupa na snagu osmog dana od dana objave u „Službenim novinama Srednjobosanskog kantona“.

Broj: 01-02-

1174/24

PREDSJEDAVAJUĆI SKUPŠTINE

4. novembra 2024.

Travnik

Dražen Matišić, s. r.
